





宋臨川王介夫表啟

賀修復熙河洮泯疊宕等州表

賜玉帶謝表

詔進所著文字謝表

賜元豐勅令格式謝表

賜第安國及第謝表

除第安國館職謝表

除男雱中允崇政殿說書謝表

除男雱正言待制謝表



賜衣帶等謝表

辭免叅知政事表

除叅知政事謝表

辭免平章事監修國史表

除平章事監修國史謝表

遷入東府賜御筵謝表

觀文殿學士知江寧府謝表

辭免除平章事昭文館大學士表二首

辭左僕射表

除左僕射謝表

辭免使相判江寧府表二首

除依前左僕射觀文殿大學士集禧觀使謝表

朱炎傳聖旨令視府事謝表

差第安上傳旨令授勅命不須辭免謝表

孫珪傳宣許罷節鉞謝表

賀貴妃進位表

賀生皇太子表二首

賀南郊禮畢肆赦表二首



賀冬表三首

賀正表三首

辭免南郊陪位表

詔免南郊陪位謝表

賜生日禮物謝表

給蔡卞假傳宣撫問謝表

李舜舉賜詔書藥物謝表

中使撫問謝表

中使傳宣撫問并賜湯藥并撫慰安國第亡謝

表

李友詢傳宣撫問及賜湯藥謝表

賜衣服銀絹等謝表

中使宣醫謝表

差張諤醫男雱謝表

賜曆日謝表

兩府待臯表

請皇帝御正殿復常膳表二首

乞罷政事表三首



乞出表二首

乞退表四首

乞宮觀表四首

手詔令視事謝表

詔以所居園屋爲僧寺及賜寺額謝表

依所乞私田充蔣山太平興國寺常住謝表

乞致仕表

賀冊仁宗英宗徽號禮成表

代王魯公乞致仕表二首

賀韓魏公啟

賀致仕趙少保啟

賀吳叅政啟

賀韓史館相公啟

謝知制誥啟

知常州上中書啟

上郎侍郎啟

謝王司封啟

賀致仕楊侍讀啟



先狀上韓太尉

答程公闢議親書

賀知縣啟

上集賢相公啟

上梅戶部啟

上杭州范資政啟

上泉州畢少卿啟

上李仲偃運使啟

上樞密王尚書啟

賀集賢相公啟

賀樞密相公啟

賀武翔知府陳學士啟

賀昭文相公啟

謝及第啟



賈文琳公題

賈文琳公題

賈文琳公題

賈文琳公題

賈文琳公題

陶石簣先生批選唐宋六家表啟

宋臨川王安石介夫

賀修復熙河洮泯疊宕等州表

奮張天兵、開斥王土、旌旃所指、燕及氐羗、樓櫓相望、誕彌河隴、中賀竊以三年鬼方之伐、高宗所以

濟時、六月獫狁之征、宣王所以復古、政由人舉、道與世升、伏惟皇帝陛下、溫恭而文、睿知以武、講周唐之百度、拔方虎於一言、我陵我阿、旣飭鷹揚之旅、實墉實壑、遂平鳥竄之戎、用夏變夷、以今準古。



是基新命。厥邁往圖。臣等均被明恩。具膺榮祿。接千歲之統。適遭會於斯時。上萬年之觴。敢愆忘於故事。

賜玉帶謝表

臣列侍方臨極辨之朝。誓御占傳。獨拜非常之賜。寵綏狎至。懇避弗命。焜耀有加。凌兢無措。中謝。竊以洮河之業。兆自聖謨。方虎之材。進非師錫。片言投匭。遂察見其有孚。衆訛盈庭。豫照知其無青。以至緩兵。筭食。蒐卒第功能。畢協於始謀。實仰歸。

於獨斷。如臣蕞爾。何力有焉。伏惟皇帝陛下善貸。且成勞謙。不伐弛曠。瘵之大責。錄將明之小忠。揚于廣除。委以珍御。瑟彼英瑤之質。煥乎華袞之言。臨授用光。顧榮踰於古昔。退藏惟謹。知燕及於雲來。施更厚於解衣。報敢忘於結草。

詔進所著文字謝表

雲漢之光。俯加賁冒。管蒯之賤。仰誤詢求。中謝。臣聞百王之道。雖殊。其要不過於稽古。六藝之文。蓋缺所傳。猶足以範民。唯其測之而彌深。故或習矣。



而不察。紹明精義，允屬昌時。伏惟皇帝陛下有舜之文明，有湯之勇知，以身爲度，動皆應於乾行。肆筆成書，言必稽於聖作。欲推闡先王之大道，以新美天下之英材，宜得醇儒使陪休運。臣初非秀穎，衆謂迂愚。徒以弱齡粗知強學，服膺前載，但傳糟粕之餘，追首大方，豈逮室家之好，過叨睿獎。使緝舊聞，永惟少作，可棄之浮辭，豈能上副旁搜之至意。伏望皇帝陛下矜其聞道之晚，假以歷時之淹，使更討論，粗如成就。然後上塵於聰覽，且復取決。

於聖裁庶收寸長，稍副時用。

賜元豐勅令格式謝表

新厥品章著之方冊，雖孤眷寄尚冒分頒。中謝竊

以后辟之所訓，裁臣工之所承守。歷觀既往，或仍躋駁之餘緒，正厥遺實，待緝熙之久。恭惟皇帝陛下操天縱之智，御物昌之時。勅法於羣幾之先，收功於異論之後。慮無愆素舉，必要終然。趨變以制宜，或非初令則取新，而巫裕宜有成。書神機俯授，於有官聖制，遂攄於無極。部居彪列，科指駟分雲。



漢之回甚昭、日月之照方久、臣進陪國論、退卽里  
居、在昔討論、嘗負曠瘼之責、於今尊閣、更知被受  
之榮、

賜第安國及第謝表

儁、又之求、外覃草野、龍光之施、首逮門庭、中謝竊  
以躬國論、聽斷之煩、而察知孤遠之行、畧門資貢  
舉之法、而拔取滯淹之才、山林之所誦說、而難遭  
閭巷之所驚嗟、而罕見伏惟皇帝陛下、協德穹昊、  
比明羲皇、博臨四方、洞照萬物、如臣同產、爲世畸

人、少遭閔凶、自奮寒、苦雖強學、力行粗有、時名而  
少、偶寡徒、幾絕榮望、豈期聖聽、俯及幽潛、遂使窮  
途、坐階華寵、獎以詔書、而試藝、賜之科第、而命官  
祿、不逮親、旣永乖於養志、仕非爲己、當共誓於捐  
軀、

除第安國館職謝表

書林置職、方儲高位之材、詔板推恩、遂假私門之  
寵、在於疵賤、實以兢慙、中謝伏念臣初起孤生、非  
謀、膺仕中參近侍、特荷先朝、屬憂患之相、仍分湮



淪而自棄、敢圖收召、俯暨幽潛、服在臣鄰、驟冠論、  
思之列、恩加子弟、具膺慶賞、之延有味、冒於殊私、  
或超踰於常法、惟數竒之同產、嘗久困於稠人、第  
冊西垣、比前叨於睿獎、校文東觀、更曲被於明揚、  
此蓋伏遇皇帝陛下、與善無方、使能以類、欲阜成  
於大治、務博取於衆材、遂忘形迹之嫌、以溥龍光  
之施、衰宗既亢、惟知上報之難、小已易盈、彌懼先  
顛之疾、

除男雱中允崇政殿說書謝表

恩驟加於私室、多所超踰、事或累於公朝、誠難昧  
冒、仰煩睿訓、曲喻至懷、永惟眷獎、之殊實重、兢慙  
之至、中謝伏念臣首叨召節、得侍辭林、隨被贊書、  
使陪經幄、稍更歲月、莫補涓埃、竊觀上智之日躋、  
內訟淺聞、而知困况、如賤息厥有童心、尚迷鑽仰、  
之方、豈稱招延之禮、恕已量主、非敢以私、而自嫌  
爲官、擇人顧雖成命、而宜改輒、布可辭之義、上干  
難犯之威、伏蒙皇帝陛下、屈體優容、垂精寵答、謂  
大人照臨之道、廣當養以蒙意、小夫誦說之智、專



遽忘其賤。褒稱備厚。訓飭加嚴。揣實未安。寄顏有  
慙。重念自古君臣之相與。未有如臣父子之所遭。  
蓋當用儒之時。尤難講藝之職。典謨方御。實參備  
於討論。誥誓未終。已繼叨於獎擢。獲世官於閭巷。  
嗣家學於朝廷。自非忘軀。何以報國。知人而官。以  
哲。慨已。誤於明揚。委質而教之。忠誓永肩於素守。

除男雱正言待制謝表

孚號明恩。實由中出。美官要職。弗以次加。知榮耀  
之及私。顧僭差而累國。雲天在望。冰炭交懷。  
中謝

臣出於羈窮。好是拙直。道常違俗。宜芻狗之致。妖  
才不逮。人何藿蠋之能。化皇帝陛下。收之末路。付  
以繁機。距滔天之衆。讒責經世之來。效施及賤。息  
度越稠人。延登朝。宁使嗣講業。方仰陪於膝席。俄  
中廢於骭瘍。雖進趨之禮。久妨而問勞之恩。狎至  
莫知報稱。但負兢慙。豈意眷憐。更加超擢。待制之  
爲職。以陪侍禁嚴。正言之爲官。以諫救遺失。承金  
華之舊學。親玉色於燕朝。併叨殊私。甚駭羣聽。此  
蓋伏遇皇帝陛下。攬取同智。無小大之遺。搜揚衆



材無久近之間、苟或不肖、槩嘗有聞、必垂甄收、以示勸獎、四方之訓、于我無競、維人多士、之生斯時、不顯亦世、永惟遭值、孰與等夷、君臣以事道相求、是惟希世、父子以傳經見用、鮮或同時、雖愧臯陶、濟美之才、敢忘狐突、教忠之義。

賜衣帶等謝表

出大庭之顯服、束以精鏐、引內廐之名駒、傳之錯采、隆恩所逮、朽質知榮、中謝竊念臣弱力淺、聞久憂積、疾中與從官之選、外分守將之權、僅免譴訶、

更蒙收召、論思潤色、曾莫効於微勞、衣被服乘、乃前叨於異數、此蓋伏遇皇帝陛下、醞於慶賞、詳在招延、因示眷懷、使知奮勵、誓竭愚忠之報、冀無虛授之嫌、

辭免叅知政事表

才薄望輕、恩隆責重、敢緣聰聽、冒進忱辭、中謝竊以建用宗工、與圖大政、以人賢否、為世盛衰、矧休運之有開、須偉材而為輔、豈容虛受、以誤明揚、如臣者承學未優、知方尤晚、先朝備位、每懷竊食之



慙故里服喪重困采薪之疾皇帝陛下紹膺皇統  
俯記孤忠付之方面之權還之禁林之地固已人  
言之可畏豈云國論之敢知忽被寵靈滋懷媿恐  
伏望皇帝陛下考慎所與燭知不能許還謬恩以  
允公議庶少安於鄙分無甚累於聖時

除叅知政事謝表

承弼之任賢知所難顧惟缺然何以堪此仰膺成  
命弗獲固辭中謝竊以古先哲王考慎厥輔皆有  
一德用成衆功伏惟皇帝陛下含獨見之明踐久

安之運甫終諒闇將大施爲宜得偉人與圖庶政  
如臣者徒以承學粗知義方本無它長可備官使  
退安私室自絕榮塗旣負采薪之憂因逃竊位之  
責大明繼燭正路宏開付以蕃宣還之侍從清閑  
之宴或賜開延淺陋所聞每蒙知獎以爲奉令承  
教庶幾無尤至於當軸處中良非所稱寵光曲被  
震媿交懷此蓋伏遇皇帝陛下德懋旁求志存遠  
舉隆寬盡下故忠良有以輸心公聽並觀故讒慝  
不能肆志矧睿謀之天縱方聖治之日躋思稱所



蒙敢忘自竭遠猷經國雖或媿於前修直道事君期不墮於素守

辭免平章事監修國史第二表

天地之施厚矣不貴螻蟻之情微而未達重煩獎訓彌集震兢中謝臣聞論德序官明主所以御世度能就位忠臣所以事君臣偶以薄材過私榮祿雖以捐軀而自誓顧於諉上而多慙竊觀聖制之所以褒揚終非朽質之所能副矧叨任遇稍歷歲時必欲詭責其後勲謂宜考觀於已事今內或

休竒衰之俗無喻德宣譽之忠外或扇苟簡之風有犯令陵政之悖百姓以安平無事之時而未免流離餓莩四夷以衰弱僅存之勢而猶能跋扈飛揚皇帝陛下以聖人之高材有天下之利勢憂勤已積功化未昭此亦由臣陳力就列以來不能助國立經陳紀之故方謀自弛以謝素餐豈意誤恩更加崇秩誠憂官謗能上累於明時所望天慈遂敕還於新命庶以通賢者之路且又協衆人之言

除平章事監修國史謝表



揚于大廷、寵以高位、歸之翊戴之重、諉之宰制之  
平、聖心方慎於旁求、小已知難於上稱。中謝臣聞  
人君代天而理物、人臣資父以事君。然而君臣之  
大義有方、非若父子之至恩無間。須倡而後和、則  
誠意每患於難通。不入而後量、則忠力或嫌於自  
獻。唯成湯之聽尹尹、與傳說之遇高宗、皆以疏遠  
而相求。何其親厚之獨至。盖所趣非由於二道。故  
所爲若出於一身。夫豈於越夷貉之異心。是謂元  
首股肱之同體。二臣旣以此獲展事君之義。兩君

亦以此得成理物之功。苟非其人。孰與於此。臣受  
材單寡、逢運休明、初涉獵於藝文、稍扳緣於祿仕。  
曩塵近侍、積媿空餐、悲遽隔於庭闈、分長依於丘  
壠。俄值纂承之慶、繼叨收召之榮、責以論經、尚少  
知於訓詁、使之與政、曾莫助於猷爲、矧以拙直而  
見知、遂爲姦回之所忌、伏遇皇帝陛下納之以天  
地之量、照之以日月之明、數加獎勵之恩、每辨讒  
誣之巧、重遭卜相、申救備官、終遜避之無繇、更兢  
慙於非據、伏惟皇帝陛下樂古訓之獲而忘其勢、



惡邪辭之害而斷以心勿貳於任賢務本以除惡  
使萬邦有共惟帝臣之志萬姓有一哉王心之言  
則進無求名之私退有補過之善臣之願也天實  
臨之

遷入東府賜御筵謝表

恩厚不貲誠優賢之務稱頑冥無似欲報國而知  
難中謝臣等過以凡材並膺殊選久壅賢路上孤  
聖時伏惟皇帝陛下謀德在容求仁以恕謂大臣  
方宣勞於王室則上主當加恤其私家發使禁闈

之中視圖魏闕之下取材置臬一皆斷於睿謀成  
事告功初不煩於宰旅重紆衡蓋周視庭除申以  
中人喻之良月使及日辰之吉卽于堂寢之安輟  
車府之傍牽載其帑重移饗官之烹割侑以鼓歌  
歡更逮於邇臣寵已加於小已陰陽或謬未知燮  
理之方風雨其除徒賴帡幪之賜

觀文殿學士知江寧府謝表

久妨賢路上負聖時苟逃放殛之刑更濫褒揚之  
典逸其犬馬將盡之力寵以丘墓所寄之邦仰荷



恩私皆踰分願。中謝臣操行不足以悅衆，學術不足以趣時，獨知義命之安，敢望功名之會。值遭興運，摠領繁機，惟睿廣之日躋，顧卑凡而坐困。秋水方至，因知海若之難窮；大明既升，豈宜爝火之弗熄。加以精力耗於事，爲之衆罪戾積於歲月之多。雖恃含垢之寬，終懷覆餗之懼。伏蒙陛下志存善貸，爲在曲成，記其事國之微誠，閱其籲天之至懇。撓黜幽之常法，示從欲之至仁。經體贊元，廢任莫追。於既往承流宣化，收功尚冀於方來。

辭免除平章事昭文館大學士表

爲君所艱，尤慎厥與。命相不善，將壞於成。矧當責實之時，敢替知難之義。中謝臣知不足以及遠，學

不足以窮深，比誤國恩，嘗尸宰事，初無薄効。稱萬一之褒揚，止有多言煩再三之辨釋。終逃譴負，實賴保全。恭惟皇帝陛下，若古以堯之欽明，御今以禹之勤儉，矜修積美，山無一簣之虧，因任致隆。臺存九層之累，小大祗若遐邇。允懷畬而不菑，雖或許其繼事，灌以旣雨，豈不昧於知時。况惟疲曳之



餘過重休明之累且用人而過矣固不免於敗材苟改命而當焉亦何嫌於反汗敢期聖哲俯亮愚忠

### 第二表

愚誠盡布所冀矜從聖志未移申加獎訓輒守可辭之義更干難犯之威中謝臣聞冢宰之於周則曰統百官而均四海丞相之於漢亦以附百姓而撫四夷位尊則自古以然材薄則其何能稱臣之所守未有以過人臣之所知又不足盡物姑使承

流宣化託備蕃維或令補闕拾遺追叅侍從尚能罄竭小補緒餘若乃秉操鈞衡承輔樞極仰陪休運俯稱具瞻事已試而可知力弗能而當止苟不量鼎寶之所任必且致棟撓於斯時伏望皇帝陛下隨其器能付以職事圖惟大任改命上材則螢爝末光不獲干時之咎棖楹近用亦叅構厦之功

### 辭左僕射第二表

恩言狎至鄙守難移敢冒德威更陳私義中謝竊以高秩厚禮以疇莫盛之勲勞綿力薄材豈稱非



常之爵寵人之所畏物有固然臣議行見知而涉世多爲衆毀論材受任而居官無以自昭顧惟屈首受書幾至殘生傷性逮承聖問乃知北海之難窮比釋微言更悟南箕之無實疏榮特異揣分非宜苟叨昧以自安懼譴尤之隨至伏望皇帝陛下俯矜危拙曲賜全安不以反汗之小嫌爲能累國則是捐軀之大節實在報君

除左僕射謝表

貳令中臺兼官左省惟時遴選蓋嘗久曠而弗除

忽此叨居顧豈微勞之可稱陪敦厥邑敷告于廷是皆至榮難以虛辱

中謝

竊以經術造士實始盛

王之時僞說誣民是爲衰世之俗蓋上無躬教立道之明辟則下有私學亂治之姦氓然孔氏以羈臣而興未喪之文孟子以游士而承旣沒之聖異端雖作精義尚存逮更煨燼之災遂失源流之正章句之文勝質傳注之博溺心此淫辭詖行之所由昌而妙道至言之所爲隱篤生上主純佑下民成能協乎人謀將聖出乎天縱作于心而害事放



斥幾殫、通于道以治官、延登既衆、尚懼膠庠之黎、  
獻未昭典籍之羣疑、乃集師儒、具論科指、繕書來、  
上、褒典俯加、臣趣操弗高、知識尤淺、少嘗勤苦、但、  
爲裘氏之吟晚、更耄衰、豈免輪人之議、初備使令、  
之乏、卽知稱愜之難、敢意誤恩、獨當殊獎、此蓋伏、  
遇皇帝陛下、以化民成俗爲事、故急在誨人以尊、  
德樂道爲懷、故易於縻爵、因忘固陋、特假龍光、祇、  
服訓辭、深惟報禮、雖無博學對揚、稽古之鴻名、庶、  
以雅言助廣、右文之美、化、

辭免使相判江寧府第一表

恩典有加、事勞弗稱、陳力況難、於黽勉、輸情終冀、  
於矜哀、中謝伏念臣晚出窮鄉、首陪輿運、恕心量、  
已、雖知容膝之易安、營職趣時、更似絕筋而稱力、  
既及眊衰而成疾、重遭憂釁、以傷生、姑欲補完、唯、  
當休惕、若任州藩之寄、仍兼將相之崇、是爲擇地、  
以自營、非復籲天之素志、伏望皇帝陛下、追還渙、  
號、俯徇愚衷、許守本官、退依先壟、儻憐積歲、叅大、  
議於廣朝、或賜誤恩、食舊勞於外觀、尚繫眷獎、非、



敢干祈

第二表

寵私未慙、更加褒勉之恩、分義所存、敢冒叨貪之耻、中謝伏念臣江湖一介、特荷聖知、帷幄七年、再陪國論、久居亢滿、所以深懼災危、積致衰疲、所以懇辭機要、若猶尸將相之厚祿、且復殿方面之大邦、則是於惡盈之時、欲富而弗止、以宣力之地、養痾而自營、聖慈雖或優容、官謗何由解免、伏望皇帝陛下俯垂念聽、特賜矜從、使盛世無虛授之嫌、

孤臣有少安之幸

除依前左僕射觀文殿大學士集禧觀使謝

表

屢黷天威、坐彌年所、曲從危懇、仰荷至慈、中謝伏念臣學止求心、行多違俗、少隨官牒、徒有志于養親、晚誤聖知、欲忘身而許國、疲曳久瘵、於宰事、閔凶、適在於私門、中解繁機、特上煩於矜惻、外分憂寄、復難強於支持、方累鴻私、更尸殊寵、既兢慙於非據、輒冒昧以終辭、伏蒙陛下示以優容、屢垂訓



獎、赦、其、逋、慢、終、賜、矜、全、猶、加、祕、殿、之、隆、名、俯、慰、窮、  
閻、之、衰、疾、地、崇、祿、厚、尚、非、空、食、之、所、宜、歲、晚、力、愆、  
雖、欲、捐、軀、而、曷、報、

朱炎傳聖旨令視府事謝表

使、指、遄、臻、訓、詞、俯、逮、敢、圖、衰、疾、尚、誤、眷、存、中謝伏  
念、臣、曲、荷、搜、揚、久、孤、付、屬、有、能、必、獻、未、嘗、擇、事、而、  
辭、難、無、力、可、陳、乃、始、籲、天、而、求、佚、然、方、焦、思、有、爲、  
之、日、以、此、懷、恩、未、報、之、身、苟、營、燕、安、豈、免、慙、悸、伏、  
蒙、陛、下、仁、惟、求、舊、義、不、忘、遐、乃、因、乘、輶、將、命、之、臣、

更、喻、推、轂、授、方、之、意、踦、履、無、用、誠、弗、忍、於、弃、捐、朽、  
株、匪、材、尚、奚、勝、於、罷、使、永、惟、獎、勵、徒、誓、糜、捐、

差弟安上傳旨令授勅命不須辭免謝表

江、海、衰、殘、雲、天、悠、遠、恩、言、狎、至、感、涕、交、流、中謝伏

念、臣、積、荷、知、憐、初、無、報、稱、豈、圖、殘、質、上、簡、聖、心、數、  
遣、中、人、間、因、外、使、喻、以、眷、懷、之、至、意、慰、其、憂、苦、之、  
餘、生、惠、焉、旣、久、而、彌、加、告、矣、雖、頑、而、未、捨、乃、至、召、  
見、同、產、馳、賜、十、行、之、書、使、營、私、門、就、捐、一、路、之、寄、  
訪、逮、纖、悉、矜、及、隱、微、追、千、載、之、遭、逢、殆、無、前、比、顧、



百身之糜、殞安可仰、酬唯當、祇聖訓之鴻、私豈敢、固愚衷之小、諒重念、無傷於國體、乃爲不負於天、慈欲以里居之安、而尸官廩之厚、固已犯明義、而累食功之實、况復干隆名、而長昧利之風、至於詞窮、雖兢慙於屢黷、可以理奪、終冀幸於矜從、

孫珪傳宣許罷節鉞謝表

囊封屢黷、特荷矜從、使傳載馳、重煩慰撫、中謝伏

念臣久尸名寵、莫報恩私、旣逃不職之誅、更竊無功之祿、閉門養疾、曾未慙於朝榮、擊壤歌時、顧難

忘於聖力、伏蒙皇帝陛下、義惟求舊、仁不棄遐、故雖簪屨之遺、尚蒙簡記、曾是筋骸之束、敢愛糜捐、

賀貴妃進位表

稜盛之禮、發於宮闈、驪康之聲、播於寰海、中賀恭

惟皇帝陛下、放古之憲、刑家以身、乃資婦德之良、俾貳坤儀之政、蓋關雎之求淑女、以無險詖私謁之心、雞鳴之得賢妃、則有警戒相成之道、於以求助、不專爲恩、臣生逢明時、竊觀盛事、祝聖人之多子、輒慕堯封、思令德以式歌、豈慙周雅、



賀生皇太子表

宮闈嗣慶寰海交欣凡逮戴天惟均擊壤中賀臣  
聞螽斯之言衆子是爲王者之時華封之祝多男  
亦曰聖人之事恭惟皇帝陛下紹祖休顯憲天昭  
明致文武之憂勤成堯舜之仁孝宅師無競莞簞  
之寢既安傳類有祥弓鞬之祠屢應詒謀方永錫  
羨用光臣託備蕃維叨承睿獎不顯亦世家實與  
於榮懷於萬斯年心敢忘於慶賴

又表

燕謀饗德方儲錫羨之祥罷夢生賢克協會昌之  
運與在照臨之廣敷同慶賴之深中賀切以思齊  
神罔時恫假樂民之攸暨天所保佑厥惟太姒之  
多男國之榮懷亦曰成王之衆子恭惟皇帝陛下  
令德光乎洛誦康功茂乎岐昌鴻休無疆景命有  
僕盖芣苢之薄言采采衆皆先成則螽斯之宜爾  
振振宗強執禦臣久叨眷遇適阻進趨親值本支  
百世之盛時敢志壽考萬年之善祝

賀南郊禮畢肆赦表



精意上昭、神靈底豫、茂恩旁暢、夷夏接和、中賀臣  
聞道以饗帝爲難、禮以配天爲至、有秩斯祐、唯四  
表之歡心、胡臭亶時、匪九州之美味、自古在昔、若  
聖與仁、厥遭昌辰、乃覩熙事、恭惟皇帝陛下、邁種  
三德、敷奏九功、率籲奉璋之衆、髦肇稱奠璧之新、  
禮廟邁致孝郊、血告幽誠、旣格於穹旻、福遂均於  
品庶、振憂矜寡、原宥青莪、第五玉以褒封善人、是  
富發三錢而慶賜賤者、不虛天其居歆人、以呼舞  
臣夙叨寵獎、親值休成、雖無與於駿奔、實不勝其

竊抃

又表

精明條達、神睠顧而依懷、膏澤川流、人歡呼而蹈  
厲、中賀臣聞語孝之至、莫大於配天、議禮而輕不  
足以享帝、能舉釐事實、歸聖時、恭惟皇帝陛下、鴻  
化已昭、康年屢應、奔走籩豆、有董正之治、官潔豐  
粢、盛有底慎、之財賦禮成、穀旦恩浹、緜區雖洛、誦  
之休明、尚難譬稱、豈兒寬之淺、啞能盡揄、揚臣夙  
荷慈憐、方嬰衰瘵、望九賓之紳笏、獨遠句傳、狎百



獸於山林猶知率舞

賀冬表

伏以庶彙潛萌上儀亞歲室告氣行之協臺占瑞  
至之嘉中謝恭惟皇帝陛下考敦復以大中顓朋  
來之衆俊剛健之德與陽皆亨壽昌之期如日方  
永臣叨榮近列櫻疾殊方鳧趨獨後於在庭爵躍  
實深於存闕

又表

伏以寶曆無疆嘉時有俶物潛萌而赤色氣順動

於黃宮中賀恭惟皇帝陛下道協乾行德孚陽感  
體一元而獨復毓萬寶以皆昌永御丕平備膺純  
嘏臣寢嬰衰疾久隔清光迹雖屏於丘園志不忘  
於宸宇

又表

伏以候始三微氣萌萬彙謹觀臺之占瑞亞獻歲  
以陳儀中賀恭惟皇帝陛下祇適燕謀靈承休運  
先一陽而獨復歛諸福以朋來臣屬此養痾繭然  
在遠傾心舜日欣寶景之踐長仰首堯天祝壽祺



而等久

賀正表

伏以漢儀高會、方登四海之圖、周曆俯頒、乃憲百官之象、中賀恭惟皇帝陛下、含德淵懿、撫辰休嘉、乘姑射之雲龍、所更者化、存胥敖於蓬艾、各遂其生、運與日升、道侔乾始、臣尚依粉社、獨隔楓宸、緬瞻朝著之班、竊慕封人之祝、

又表

獻歲初吉、端月始和、萬寶取新之元、九儀告慶之

會、中賀

恭惟皇帝陛下、體神蹈智、抱一建中、允迪

暮勳、永膺孚祐、德日新而有俶、福時萬以無疆、臣特荷寵光、久嬰衰疾、雲天在望、惟緬想於句傳、麋鹿與遊、豈暫忘於率舞、

又表

寶曆無疆、嘉生有俶、厥初獻歲之吉、乃始端月之中賀和、恭惟皇帝陛下、常德日新、景福時萬、體泰元而難老、閱衆甫以皆昌、臣久負異恩、尚嬰衰疾、瞻雲紛郁、想朝露以載欣、愒日舒長、與疇人而胥



樂

辭免南郊陪位表

萬國駿奔、焯上儀之殊觀、一夫幽屏、叨明命之特招、中謝伏念臣竊祿已多、冒恩最渥、自致惓惓之義、實有素情、再瞻穆穆之容、豈非榮願、而繭然暮景、櫻以沉痾、伏歛畝以負茲、於今未已、侍壇垓而踐豆、用此為妨、

詔免南郊陪位謝表

螻蟻倦倦、上干旒辰、雲天顛顛、下賁丘園、中謝臣

憊矣微生、頽然暮齒、冒恩鼎食、非堅卧以為高承、命旌招宜、駿奔而反、後顧緣衰、疾致隔清光、伏蒙皇帝陛下、特赦尤違、曲垂念聽、部昏難望、尚延舜日之華、荒翳易遺、更獲堯雲之潤、

賜生日禮物謝表

慰藉溢言、匪頒異數、荷恩勤之及此、思報稱以茫然、中謝伏念臣謬簡神心、叨陪大政、以久孤之樸學、當難遇之盛時、雖罄愚忠、何裨聖治、門弧可想、方永念於劬勞、臺餽有加、更上煩於寵獎、此蓋伏



遇皇帝陛下施仁品物、致禮臣鄰、將備責於安危、故俯同於憂樂、所願輸勞而後食、敢知得賜之爲榮、矧生已之至恩、已云不報、獨事君之大義、庶或無慙、

又表

微勞不效、僅逃三典之科、厚禮有加、尚躡九儀之等、中謝臣外叨寄屬、仰誤眷憐、已隳考翼之基、重負母慈之教、迫劬勞於晚節、方不自勝、惟蕃庶之舊恩、終無以稱、伏蒙皇帝陛下更馳膚使、曲喻至

懷駟駿靈珍、琛竒組麗、豈下流之敢及、皆前此之所無、金厄淑旂、多錫誠榮、於既往鉛刀駑馬、強扶難冀於將來、雖天地弗責、其謝生顧、臣子敢忘於致死、

給蔡卞假傳宣撫問謝表

飭鑿遣使、已叨訓勉、於提身輟侍、予寧重累、顧哀於慈子、教言狎至、感涕交流、中謝臣趣尚缺如、遭逢榮甚、竊食浮而廢任、特負知憐、昧祿殖以挺災、終貽罪疾、伏遇皇帝陛下、地容天幬、雲蔭露濡、响



吹晚出於更生拊偃申加於瀕死譬如造化難紀  
叙於曲成雖曰糜捐敢稱論而上報

李舜舉賜詔書藥物謝表

輟宮闈親近之臣臨湖海寬閑之野授之藥物撫  
以訓辭尸厚祿而無勞謂當誅絕捐大恩而不報  
彌所兢慙臣中謝伏念臣本出羈單自甘淪棄晚  
由朴學上誤聖知智曾昧於保身忠每懷於許國  
讒誣甚巧切憂解免之難危拙更安特荷眷憐之  
至况遠迹久孤之地實邇言易間之時而離明昭

晰於隱微解澤頻繁於踈逖此盖伏遇皇帝陛下  
以上仁含垢以大智容愚弗使南箕得侈歟揚之  
狀更令北戶坐蒙臨照之光繭然垂盡之病軀沓  
若橫流之感涕惟困窮無理猶致命於一餐顧冒  
昧不貲敢忘懷於九死

中使撫問謝表

孤臣疲曳自阻進趨上主慈憐猶加撫諭中謝伏  
念臣晚陪休運特荷異恩橫草無功每恨棄軀之  
晚負薪有疾仍慙制祿之優豈謂陛下所摠萬機



不忘一物、廼因輜軒之出、俯逮躋屨之遺、仰荷眷私、唯知感涕、

中使傳宣撫問、并賜湯藥及撫慰安國、第

謝表

便蕃曲澤、雖遠不忘、晚晚餘年、懼終莫報、中謝伏

念臣辭恩機要、藏疾里閭、旣疲瘵之未夷、顧憂傷之重至、仰煩眷獎、特示閔憐、中飭使輶、備宣恩厚、寵頒藥物、深念衰殘、此盖伏遇皇帝陛下、日月照臨、乾坤覆燾、俯矜舊物、曲軫睿慈、始終顧遇之私、

人知無替、存沒榮懷之感情、實難勝、

李友詢傳宣撫問及賜湯藥謝表

孤臣特荷慈憐、未獲捐軀報德、賤息比叨寵獎、復以遺骨累恩、臣中謝伏念臣釁積自躬、凶流及嗣、

因仍積歲、藏厝不時、敢謂私憂、上貽聖慮、伏蒙皇帝陛下、飭遣親使、護致旅棺、使亡子之魂、卽安於窀穸、天性之愛、得盡於莫年、申之訓辭、撫以藥物、眷被終始、施兼存亡、銘骨不足以叙、欲報之心、瀝肝不足以繼、感泣之血、獨恨旣愆之力、莫知自效、



之方

之方、... 天卦之變、... 帝聖不備、... 國外、... 以、... 李、... 入、...

陶石簣先生批選唐宋六家表啟

宋臨川王安石介夫

賜衣服銀絹等謝表

慰藉溢言、上辜寵眷、匪頒異數、特荷慈憐、中謝臣

晚以薄材、嘗陪興運、華原之簪、未慙每辱、矜收橋

山之劍、初遺獨悲、淪沮伏蒙、皇帝陛下、勤追考翼

厚勉、臣中遽被寵光、申加蕃庶、雖負薪之末力、難

效驅馳、顧結草之殘魂、猶知報稱、除、再肉、

中使宣醫謝表

介夫下



乘衰撓厲、敢意浼聞、軫舊垂矜、曲加寵數、卽馳近  
御、兼飭太醫、錫以寶奩、實之珍劑、創殘再肉、顛胸  
更蘇、杳被慈憐、不勝負荷、中謝臣叨恩缺報、昧祿  
取災、果崇降以疾殃、至上煩於愍惻、此蓋伏遇皇  
帝陛下、屢簪念厚、軒幄眷深、天弗籲而亦臨、雲甫  
瞻而旣雨、哀逾察、父感劇、孤臣論可報之、涓埃難  
知、稱効顧未填之、溝壑徒誓、糜捐撫涕、沈瀾捫心  
躑躅、

差張諤醫男雱謝表

蕞爾餘生、備叨眷撫、蕭然賤息、更荷哀憐、中謝臣  
初乏將明之材、適遭開泰之運、父子並蒙寵獎、臣  
鄰莫與等夷、去闕以來、歷時未久、問勞狎至、憂軫  
俯加以察、父之鴻私、施具臣之晚節、但慙疲曳、莫  
副馳驅、冀憑天地之恩、得全駒犢之命、永依鞭策、  
共誓糜捐、

賜曆日謝表

伏以清臺課曆、肇明一歲之宜、列郡仰成、欽布四  
時之事、闕文切抃、拜賜爲榮、中謝恭惟皇帝陛下



躬包曆數、政順璣衡、齊日月之照臨、體乾坤之闔  
闢、考觀新度、遠存堯象之明、推步大端、猶得夏時  
之正、盡俯仰察觀之理、槩裁成輔相之宜、歲事備  
存、詔文偕下、先天誕告、間無杪忽之差、率土逢占  
驗、若節符之合、臣敢不恭承明旨、順考時行、贊聖  
神化育之功、極天人和同之效、奉而行政、期不戾  
於陰陽、推以治人、庶克躋於富壽。

兩府待臯表

臯已以興方懋日新之德、經邦弗效、敢辭天討之

刑中謝

臣等昔以凡材、過叨重任、內不能定國家  
之論、以協士民、外不能成疆場之謀、以綏夷狄、用  
開邊隙、亟使人勞、至深惻於聖懷、實大愆於榮祿、  
瘵官若此、卽臯爲宜、唯並寘於嚴科、乃大符於公  
論。

請皇帝御正殿復常膳表

陽春生物、偶霑澤之稍愆、睿意恤民、遽側身而自  
抑、德已修於銷變、數或係於非常、當復彝儀、用安  
羣下、中謝恭惟皇帝陛下、天仁博施、神智曲成、躬



忘肝食之勞，坐講日新之政，四時協序，萬物致和。適當化養之辰，宜得涵濡之澤，少違常候，深軫清衷。退師氏之正朝，約太官之盛饌，仰窺謙德，志在閔民。然而遐虜來朝，當卽法官之位，誕辰入慶，合陳燕俎之珍，事有所先，禮難偏廢。伏願仰回淵聽，俯徇輿情，夙御九筵之居，並羞十閣之具，上以全於國體，下以副於臣誠。

### 第二表

時澤偶愆，屢勤齋禱，聖衷愈勵，曲盡焦勞，將損已

以召休，因退次而貶食，列陳剡奏，尚闕嗣音。在臣列之靡遑，伏帝閣而再扣。

中謝

恭惟皇帝陛下體

居離正德，稟乾剛，期揉俗以致康，嘗納隍而興念。七載於此，繼獲豐穰，一春而來，或罹愆亢。皇慈深軫，羣祀編修，恐狴犴乖則，親慮其囚。懼黼黻美則，躬變其服，仍損內饗之舉，兼虛正宁之朝。然而禮貴從宜，事難泥古，而況甫臨誕節，交舉慶儀，有列辟拜萬年之觴，有殊俗修兩朝之好。苟虧彝制，難副羣情。少屈淵衷，特從誠懇。天臨廣廈，日御常珍。



親事法宮，廓宣於政治，惟辟玉食，昭示於等威，仰以慰兩宮之慈，俯以安羣下之望。

乞罷政事表

竊以使陪國論，惟亮天工，必用強明，乃能協濟。豈容昏瞶，可以叨居。進冒聰明，罄陳危悃。中謝伏念臣逮侍先帝，列官外朝，晚以喪歸，因爲病廢。伏遇皇帝陛下，召還辭禁，擢豫經筵，收於衆惡之中，諷以萬機之事，構讒誣而並至，輒賜辨明，推孤拙以直前。每蒙開納，陛下所以遇臣者，可謂厚矣。臣之

所以報國者，終於缺然，豈理勢之獨難，抑才能之素薄，方懼過尤之積，乃罹疾疢之加。比欲外乞州藩，冀以就營醫藥，重念采薪之弗給，尚何守土之敢謀。輒緣不能者止之言，庶免貪以敗官之悔。伏望皇帝陛下，曲垂仁惻，俯記愚忠，賜以分司一官，許於江寧居止，則天地之德，實有施於餘年。伏冀之勤，冀或輸於異日。

第二表

私懷懇至，已具布聞。聖訓丁寧，未蒙開納。敢冒崇



高之聽、再輸悃悞之情、中謝臣聞任賢之方、要其有用、陳力之義、止於不能、苟弗集於事功、且重罹於疾、疾豈容叨、處以累明、揚伏念臣猥以孤生、親逢盛世、昧於量已、志欲補於休明、失在信書、事浸成於迂闊、每煩衆論、上恩聖聰、久知素願之難諧、繼以積病、而自困、辭而去位、庶逃竊祿之誅、勉以就上、重荷包荒之德、雖貪順命、終懼妨功、伏望皇帝陛下、閔度并容、大明俯燭、特垂矜允、俾遂退藏、如此則孤進之身、獲全生於末路、具瞻之地、得改

命於時材、

第三表

封奏上昭、未能感徹、訓辭下逮、更誤褒嘉、中謝臣聞恕以及物者、君之仁、量而受事者、臣之義、蓋世之道、有升有降、故士之行、或肆或拘、遭聖治之尚容、冀私誠之獲遂、伏念臣自蒙任使、已歷歲時、雖或售於小忠、曾莫裨於大政、迨茲櫻疾、乃始告勞、姑以免邦憲之詰誅、何足汗上恩之獎勵、使人狎至、詔指屢頒、祇荷顧憐、重懷感悸、非不願粗施其



樸學庶幾以仰副於鴻私、顧惟剛德之浸亨、方奮  
睿謀而獨斷、辨忠賢之可任、旣示弗疑、察姦罔之  
爲朋、將知所畏、人宜盡力、朝豈乏材、寧容昏憊之  
餘、尚冒寵靈之厚、伏望皇帝陛下、離明俯燭、解澤  
旁施、矜綿力之旣愆、監近司之或曠、俯從控懇、實  
允詢謀、雖已事之無稱、難言報國、冀餘生之未泯、  
尚獲捐軀、

乞出表

竊以丞相之職、天子是毗、方當圖政之憂勤、難以

養病而昧冒、輒輸情素、仰丐恩憐、中謝臣叨被鴻

私、誤尸榮祿、堯仁天覆、幸荒穢之兼包、湯聖日躋、

顧卑凡而自絕、尚惟許國、姑誓忘軀、豈意眩昏甫

新年而寢劇、更知駑蹇、難重任之久、堪伏惟皇帝

三下明燭、隱微惠綏、羈拙閔其積疾、收還上宰之

印章、賜以餘年、歸展先臣之丘壟、生當擊壤以詠、

矜容之德、死當結草以酬、含育之恩、豈圖安惠之

第二表

輒輸情素、仰丐恩憐、實以抱疾之深、難於竊位之



久過蒙敦獎未賜矜從事有迫於懇誠理必祈於  
哀惻中謝臣信書自守與俗多違審容膝之易安  
因忘擇地知戴盆之難望遂廢占天豈圖憂患之  
餘更值清明之始寒之日長而暴之日短植  
之之人寡而拔之之人多尚誤聖知驟妨賢路摩  
頂放踵雖願效於微勞以致負山顧難勝於重任  
矧復瞽昏而曠事若猶冒昧以尸官是乃明憲之  
所不容豈特煩言之爲可畏伏惟皇帝陛下天地  
覆載日月照臨賜以曲成容其少愒區區旅力或

未慙於餘年斷斷小能冀尚施於異日

乞退表

臣忠於爲國故進而能致其身君恕以及人故病  
則閔勞以事此今昔共由之通義實上下相與之  
至情敢觸冒昧之誅冀蒙哀矜之聽中謝臣受材  
鄙劣遭運休明陳愚或會於聖心承乏遂尸於宰  
事謀謨淺拙謾不見其有成操行陵夷又或幾於  
無耻久宜辭位尚苟貪恩豈圖養拙以乖方重以  
瞽昏而廢務粗嘗陳列未獲矜從黽勉以來浸淫



遂劇大懼典司之曠上煩程督之嚴伏惟陛下詢  
事考言循名責實或輟夜分之寐常臨日昃之朝  
萬方黎獻之多畧皆祗辟三事大夫之守豈可瘵  
官仰冀高明俯昭悃愾念其服勞之久愍其撻瘵  
之深及未干鈇鉞之時令遂解機衡之任豈特少  
安於私義茲惟畢協於師虞

### 第二表

明主訓辭之寵宜卽奉承匹夫志守之愚敢覬矜  
允中謝竊以品制百爲摠裁萬務任怨蓋難於持

久服勞安可以獨賢所以中外迭居是爲祖宗故  
事況於疲曳加以瞽昏若由昧冒而無慙其必顛  
躓而不救臣過叨睿獎備進近司當循名責實之  
時故任怨特多於前輩兼蠲令改制之事故服勞  
尤在於一身雖蒙全度之恩僅免譴訶之域其於  
多故實以難支矧疾疢之交攻且事爲之浸廢伏  
望陛下昭其悃愾假以優游使得休養於衰疲以  
示保全於孤拙

### 第三表



聖恩所及、有隆天重地之施、私義未安、有深淵薄  
冰之懼。中謝竊惟成湯高宗之世、有若伊尹傳說  
之臣、其道則格于帝而無疑、其政則加乎民而有  
變、后惟時又相、亦有終迨乎中世之陵夷、非復古  
人之髣髴、忠或不足以取信、而事事至於自明、義  
或不足以勝姦、而人人與之爲敵、以此乘權而久  
處、孰能持祿以少安、此臣之慮危於居寵之時、而  
昧死有均勞之乞、況於抱病浸以瘵、官伏惟陛下  
道與日躋、德侔乾覆、哀一夫之失所、樂萬物之皆

昌矧夫眷遇之優、旣已勤劬之久、宜蒙善貸、使獲  
曲全、賜其疲賤之身、假以安閑之地、則敝車無用、  
猶可具於勞薪、棄席未忘、或再陳於華幄、

#### 第四表

螻蟻微誠、屢關省覽、天地大德、未賜矜從。中謝臣

聞周之士也貴、秦之士也賤、周之士也肆、秦之士  
也拘、其肆之爲貴、其拘之爲賤、賤故尚勢利而忘  
善惡、貴故尊行義而矜廉耻、士知尊行義而矜廉  
耻、宗廟社稷之安、而天下自治也、伏惟陛下言必



稽堯舜動必憲文武故遇天下之士欲其貴不欲其賤欲其肆不欲其拘臣以羈孤旁無攸助一言寤意特見甄收適遭欲治之盛時實預扶衰之大義事或乖於衆口而陛下力賜辯明言有逆於聖心而陛下常垂聽納此臣所以履艱虞而不敢服勤苦而不辭雖百度搶攘未就平成之叙然四年黽勉非無夙夜之勞今特以心氣之衰疲目力之昏耗哀祈外補冀幸小休而乾剛確然莫可回奪則是親值周家之忠厚獨爲秦士之賤拘事與願

違能無竊歎理當情恕豈免上煩實望聖慈俯昭愚款外賜優閑之地少安疾疢之身須其有瘳乃責外効臣生當捐軀以報德死當結草以酬恩

乞宮觀表

疏榮特異敢忘圖報之忠陳力弗能當布可辭之義中謝伏念臣晚陪興運久汙近司戇愚弗逮於清光衰疾更成於瘵曠苟免大訶之責乃叨異數之加授以戎旃班之宰席松楸舊國實使鎮臨蒲柳殘年足爲榮耀顧在宣化承流之地方當循名



責實之時、疲曳難支、顛隕可畏、仰祈睿眷、俯徇愚衷、并解將相之官、外除宮觀之任、託依田里、瞻守丘墳、儻憑休養之私、終獲夷瘳之福、敢忘策勵復誓、糜捐

第二表

天地至恩、實知難報、螻蟻微息、尚竊有懷、輒冒隆威、更輸危悃、中謝伏念臣遭逢異甚、稱効茂如、苟旅力之可陳、豈餘生之足惜、顧以憂傷而至、弊重為疾、疾之所櫻、偷假便州、必負曠瘵之責、過尸厚

祿、更懷叨昧之慙、伏望陛下本末燭知、始終護念、俯徇籲天之懇、俾無累國之尤、尚冀寧瘳、誓終糜殞、

第三表

輶傳俯臨、璽書狎至、仰荷眷存之厚、第懷感悸之深、任有不勝、勉非所及、輒輸危懇、再冒天威、中謝伏念臣久誤至恩、難圖報稱、過尸榮祿、易取災危、力憊矣而弗支、氣喘焉而將蹶、窮閭掃軌、斯為待盡之時、莫府建旄、豈曰養痾之地、所懼曠瘵之責、



敢辭逋慢之誅、伏望陛下照以末光、遂其微請、使  
壇陸之鳥無眩視之悲、濠梁之魚有從容之樂、庶  
蒙瘳復、更誓糜捐、

第四表

筋骸衰繭、僅有餘生、肝膈精微、簡在聖聽、豈圖寵  
獎、未賜矜從、輒冒威尊、更輸情素、中謝伏念臣夙  
妨機要、初乏涓埃、苟免庶尤、實荷恩私之至、敢緣  
多疾、更尸名器之崇、比辱使輶、係宣詔旨、深惟策  
勵、仰稱龍光、而况病瘵有加、療治無損、辭榮家食、

乃爲理分之宜、干澤自營、尚恃眷憐之舊、伏惟皇  
帝陛下、衡聽萬事、器使衆材、念其黽勉之終、難假  
以便安而少愒、庶完體力、圖報毫分、

手詔令視事謝表

謗議升聞、已賴舜聰之豁達、懇誠上訴、更煩周誥  
之丁寧、中謝竊以作威者主之權、待察者臣之禮、

蓋雖蒙非常之厚遇、亦將避可畏之煩言、臣志尚  
非高、才能無異、舊惟所學之迂闊、難以趨時、因欲  
自屏於寬閑、庶幾求志、惟聖人之時、不可失、而君



子之義必有行故當陛下卽政之初輒慕昔賢際  
可之仕越從鄉郡歸直禁林或因勸講而賜畱或  
以論思而請對愚忠偶合卽知素願之獲申睿聖  
日躋更懼淺聞之難副重叨殊獎忝乘洪鈞所宜  
引分以固辭乃敢冒恩而輕就實恃明主知臣之  
有素故以孤身許國而無疑人習玩於久安吏循  
緣於積弊窾言不忌誠行無慙論善俗之方始欲  
徐徐而變革思愛日之義又將汲汲於施爲以物  
役已則神志有交戰之勞以道殉人則事功無必  
成之望恐有辜於眷屬誠竊幸於退藏猶貪仰附  
於末光亦冀粗成於薄効比聞獨斷謂合僉言但  
輸承命之忠遂觸招權之毀因請避衆賢之路庶  
以厭異議之人伏蒙皇帝陛下敦大兼容清明旁  
燭賜之神翰諭以至懷君臣之時嘗千載而難值  
天地之造豈一身之可酬敢不自忘形迹之嫌庶  
協神明之運

詔以所居園屋爲僧寺及賜寺額謝表

基迹叢祠冀鴻延於萬壽錫名扁榜竊榮遇於一



時中謝臣生乏寸長世叨殊獎賤息奄先於犬馬  
顏齡俯迫於棠榆獨念親逢莫有涓埃之補報永  
惟宏願豈忘香火之因緣伏蒙皇帝陛下俯徇祈  
誠特加美稱所懼封人之祝終以堯辭乃塵長者  
之園遽如佛許仰憑護念誓畢熏修

依所乞私田充蔣山太平興國寺常住謝表

緣恩昧冒方虞恩上之誅加意昇矜遂竊終天之  
幸中謝伏念臣少嘗墮阨晚悞褒崇榮祿雖多不  
逮養親之日餘年向盡更爲哭子之人追榮香火

之緣仰賴金縉之賜尚復祈恩而不已乃將徼福  
於無窮伏蒙陛下眷遇一於初終愛恤兼夫存沒  
特撓常法俯成私求雖老矣無能莫稱漏泉之施  
若死而未泯豈忘結草之酬

乞致仕表

竊以曠官嘗恃食功之舊老而辭祿敢忘知止之  
廉輒冒天威具輸微款中謝伏念臣小聞寡識薄  
力淺才信獨善以一心昧自營之百慮久辜視遇  
特幸遭逢昔也壯時尚無可紀今而耄矣豈有能



爲敢望睿明許之致仕實矜危朽賜以全生庶以  
衰殘豫佚太平之樂亦令遲暮免離大耄之嗟

賀冊仁宗英宗徽號禮成表

肇稱縟禮追薦鴻名揚二聖之闕休風四海以純  
孝惠心昭假釐事備成中賀恭惟仁祖以堯之魏  
魏丕冒區夏英考以舜之業業祇承廟祧紹隆德  
至於難名崇報義存於無已皇帝陛下仰稽前憲  
俯采庶言命冊使而致嚴告匱主而歸美神靈率  
籲其啟後於無疆品庶交欣以奉先而不匱臣備

叨殊眷獲睹上儀願久負於沉痾乃獨妨於旅進

代王魯公乞致仕第二表

愚臣之在暮年禮當求去聖主之於舊物恩不忍  
捐願在禮之可言敢緣恩而苟止中謝伏念臣起

身疵賤逢世休嘉年除歲遷遂塵於非望夙興夜  
寐常愧於無勞惟是寵榮殊非所欲矧知固陋豈  
敢爲高徒以歲路之向窮不勝人言之甚衆爭前  
而冒寵則辱之在後者或多蓋衆以擅榮則患之  
及身也常酷是亦有傷於國體豈惟無補於臣身



此臣所以迫切於歸誠而彷徨於受命也。況陛下接三后之烈，享百年之平，勢盈則非易以特法，久則當通其變。此誠致慎於安危之際，而責難於將相之時。雖臣旅力之方剛，亦宜知止。豈此餘生之無幾，尚可妨賢。伏望天慈俯循人欲，上以終愛人之德，下以免累國之誅。則膂力旣愆，雖負捐軀之素志，餘忠未訖，猶知請祝於明時。

### 第三表

竊以將相之權，臣之所貪得君親之命，臣之所憚

違懇懇至於辭說之窮，區區亦惟義理之迫。

中謝

伏念臣典司機密，陪輔清光，年之侵尋，職以曠廢。假息幸蒙於寬政，引身輒旬於餘年。豈期愚忠未動，聖察令臣股肱便敏，足以趨賓贊之儀，耳目精明，足以副謀謨之託。雖知當退，猶願自強。柰何獨以罷癯之軀，而欲久私要劇之地。自計且知其不可，人言孰以爲當然。伏望聖慈哀憐，惻愍無空敦獎，使得罷休。

賀韓魏公啟



伏審判府司徒侍中寵辭上宰歸榮故鄉兼兩鎮之節麾備三公之典策貴極富溢而無亢滿之累名遂身退而有褒加之崇在於觀瞻孰不慶羨伏惟某官受天間氣爲世元龜誠節表於當時德望冠乎近代典司密命摠攬中權毀譽幾至於萬端夷險常持於一意故四海以公之用捨一時爲國之安危越執鴻樞遂濟元輔以人才未用爲大耻以國本不建爲深憂言衆人之所未嘗任大臣之所不敢及臻變故果有成功英宗以哀疚荒迷慈

聖以謙冲退託內揆百官之衆外當萬事之微國無危疑人以靜一周勃霍光之於漢能定策而終以致疑姚崇宋璟之於唐善政理而未嘗遭變記在舊史號爲元功未有獨運廟堂再安社稷弼亮三世救寧四方崛起在諸公之先煥乎如今日之懿若夫進退之當於義出處之適其時以彼相方又爲特美某久叨庇賴實預甄收職在近臣欲致盡規之義世當大有更懷下比之嫌用自絕於高閎非敢忘於舊德逖聞新命竊仰遐風瞻望門闌



不任鄉往之至、  
賀致政趙少保啟

竊審抗言辭寵、得謝歸榮、繇西省諫諍之官、序東宮師保之位、殿庭鳴玉、尚仍前日之班、里舍揮金、甫遂高年之樂、伏惟慶慰、資政少保懋昭賢業、寅亮聖時、伯夷之直、惟清仲山之明、且哲所居之名赫赫、豈獨後思、爾瞻之節巖巖、方當上輔、遂從雅志、實激貪風、未卽披承、徒深欽仰、

賀吳叅政啟

竊聞明命登用、大儒是宜、夷夏之交歡、豈特親朋之私慶、某官以君子之器、值聖人之時、直道正言、石投水而必受、淫辭詖行、雪見晁而自消、果膺夢卜之求、式受鈞衡之任、王功方就、庶無一簣之虧、國勢已安、更加九鼎之重、豈徒惠好、過示撝謙、冀同雅操之堅、以稱茂恩之厚、

賀韓史館相公啟

伏覩制命、登用臣宗、大忠當興、衆正欣賴、伏惟慶慰、恭惟史館相公、世載賢業、躬合聖時、道直方而



行以不疑氣剛大而養之無害逮專國柄實佑帝  
庭貪夫以廉惟伯夷之行是効枉者更直則成湯  
之舉可知某久曠舊恩尚竊榮祿以承流而自効  
知馳義之所歸

謝知制誥啟

攄非其稱慙甚於榮切以通會朝之籍於禁中出  
誥命之書於天下自昔必求乎良士方今尤謂之  
美官非夫能道先王之言及通當世之務文章足  
以潤色知術足以討論一有誤居必乖衆論某素

出貧賤偶遭盛明讀書雖勤未免是古之累更事  
雖久終無適時之才制作淹遲而不工思慮短淺  
而不敏有此一物自足窮於多士之時兼是四端  
豈宜辱於邇臣之列此蓋伏遇某官以忠純翼戴  
以寬大甄收謂其引分而無求儻或負能而有待  
因加獎借使得超踰蓋大公之賜所加唯至誠之  
報爲稱敢不內盡致身之德庶以上同許國之心

知常州上中書啟

將母之求屢關於聽覽長民之寄終累於陶鎔勢



則便安心焉震悸蓋聞抱關擊柝所以待士之爲貧直鑄蒙鏐所以處人之有疾其志卑者其獲少其能薄者其任輕自非審分以取容則必近刑而速謗如某者湮淪素業邀會時恩備官牧人旣以貧而擇利奉使畿縣又以疾而告勞甚矣能薄而志卑宜乎任輕而獲少尚蒙優詔猥備方州自惟缺然何以稱此茲蓋伏遇某官上同一德而以寬裕處心旁燭萬情而以平均待物遂令踈賤亦至叨逾永惟憂國之所存獨可勤民而上副顧今州

部已遠朝廷田疇多荒守將數易教條之約束人無適從薄書之因緣吏有以肆惟是妄庸之舊當茲凋瘵之餘自非上蒙寵靈少假歲月則牧羊弗息彼將何望於少休畫土復墁此亦無逃於大譴更期元造終賜曲成

上郎侍郎啟

伏蒙過采浮議使承乏官借寵則榮循涯而懼願畱平聽得究下情頑疏之人滯固於事席先子之緒業玷太常之寺名備位於茲歷年無狀安全者



幸廢去、乃宜何言、誤知欲觀頌試、審處私計、追惟  
舊聞、不越俎、以代庖、蓋言有守、未操刀、而使割、可  
必無傷、輒敢用、是固辭、誠願易、而他使、依違王事、  
雖名理之未安、妄冒人知、亦生平之不欲、高明在  
上、悃悃發中、臨啟、怔忡、果於得請、

謝王司封啟

伏念某、孤窮之人、少失所恃、雖勉心竭力、求以合  
於古人、而固陋顛蒙、動輒乖於時變、以此而遊於  
世、未嘗見恕於人、而自趨走下風、習聞餘教、慰藉

之禮、稱揚之私、忤嚴顏而不加犯上之誅、拂盛指  
而更以首公爲是、書辭報答、騎從見臨、不以先進  
畧後生、不以上官卑下吏、以至其去、重煩送將、又  
矧其行使、不畱滯、爰初就道、甫爾踰旬、乖離雖新、  
感仰殊甚、伏惟順節自壽、副人所瞻、

賀致政楊侍讀啟

伏審得謝中楹、戒歸下國、孔戣致仕、議臣雖願、其  
畱疏廣、乞身觀者、固榮其去、丁時翕絕、取道阻長、  
繫盛德之可師、宜明神之實相、茂惟興止、休有福



祥伏惟某官逢辰清明、取位通顯、義勇不挫、忠精無疵、登備諫工、嘗已告嘉猷于后、奉將使節、則以下膏澤於民、儀儀會朝、凜凜侍從、功名之美、旣耀於將來、智畧之閎、猶嗟於不試、引年去位、循禮得中、唯其養恬、有以鎮薄、某望塵非數、見器則深、竊冒上官之大知、唯所不欲、推揚後進之美意、云何敢忘、備位於茲、仰高無止、

先狀上韓太尉

昔者幸以鄙身、託於盛府、無薄才以參籌策之用、

有疏節以累、含容之寬、久而再惟、滋以自愧、伏惟某官憂國愛君之操、仁民恤物之方、賓禮賢豪、包收疵賤、盖嘗沐浴於餘澤、而且歌舞於下風、孰云去離、遂自疏斥、徒以地殊南北、勢隔卑尊、小夫竿牘之勤、不足自効、莫府文書之衆、或以爲煩、方隨傳車、得望步履、固願階緣於疇昔、因得鑽仰於緒餘、敢圖高明、先賜勞來、貴以下賤、不矜其行之疵、賢而容愚、不誅其禮之曠、夫惟昔之有道、皆慎所以與人、欲示其自養之污隆、必觀其所遇之能否、



深慙固陋、有玷獎成、將次郊關、卽趨牆屏、其爲感喜、豈易談言、

答程公闢議親書

念某跂通德之門、馳誠數仞、叙宜家之慶、拜貺尺書、伏承賢郎推官蘭砌傳芳、鯉庭稟訓、辱好逮之首逮、見久要之彌敦、鴻儀之復問、敢稽鵲喜之叶、占旣吉、眷惟姪女未習、婦功交秦晉之歡、仰從嘉命、望金張之館、俯愧袁宗榮幸、所兼敷陳疇悉、謹奉狀謝、伏惟照察、謹狀

賀知縣啟

光膺芝檢、榮宰花封、凡屬庇庥、良增欣抃、恭惟某官資性敏悟、器懷坦夷、直哉有古人之風、挺然生賢者之後、自歷煩任、罄施幹材、美聲聞於帝聰、佳器稱乎國寶、是乃拜綸綍之命、殿子男之邦、凜乎清風、聳是羣望、操刀之能製錦、素願殊勲、彈琴之不下堂、行聞異政、

上集賢相公啟

爲吏南州、抗塵末路、處洪鈞之大、器小以自持、瞻



英袞之尊、蹤孤而難附、恭惟法宮議道、賢業熙天、  
變精被之至、和納亨嘉之盛福、伏惟某官乘堪輿、  
浩直之氣、爲廟堂倚平之材、逢辰清明、發策高妙、  
垂紳近署之列、直筆中臺之端、龍閣之富、圖書密、  
承顧問、蜀部之風、教化遂協、都俞遽促、鋒車入叅、  
醜嘏旋屬、圜虛耀狼角之色、狂寇毒清河之民、擊、  
義節以請行、先堂兵而制勝、淮西入命、晉公大宣、  
慰之名朔、方燁威子儀、開幕府之盛、盡劉大憝、入、  
奏元功、式尊通宰之榮、上正文昌之坐、方將圖講、

上梅戶部啟

熙事修舉、治綱坯冶、一陶輔成於醇化、簫勺羣慝、  
躋格於太寧、顧惟平進之微、獲此庇暉之下、伏希、  
上爲國體保固、台嚴西首、鈞庭下情、無任、

某一涯承乏、自晦於塵容、百舍懷賢、坐傾於風美、  
欽想承流之暇、妙均安節之休、恭惟某官與學不、  
天懿文華、國躋榮膺、仕逢吉太辰、由郡署之階、擢、  
臺端之要、公毅執法而邪孽不奸、謨明盡規而權、  
綱自正、疇咨心術之具、往貳計侯之司、式是均勞、



遂淹補外、朱轡問俗、訪山水之昔遊、文石疏恩、卽  
楓槐而日見、入持政柄、允副民瞻、屬臨懷氣之辰、  
尚遠隆堂之拜、願臻願衛、前對寵光、

上杭州范資政啟

某近遊制壤、久揖孤風、當資斧之無容、幸曳裾之  
有地、粹玉之彩、開眉宇以照人、縟星之文、借談端  
而飾物、羈瑣方嗟於中露、逢迎下問於翹材、仍以  
安石之甥、復見牢之之舅、茲惟雅故、少稔燕閒、言  
旋桑梓之邦、驟感神庥之詠、寫吳綾之危思、未盡  
攀瞻、憑楚乙之孤風、但傷間闊、恢台貫序、虛白調  
神禱、頌之私、不任下懇、

上泉州畢少卿啟

自去容暉、何嘗候問、竭來冗局、顧委瑣之自爲、陰  
想价藩、知崇高之難附、伏審履和嘉月、靜事雄堂、  
訟鈿晝清、道環天粹、恭惟知府凝姿恬懿、遠器廉  
深、出相袞之名家、而無重衣之逸、領使符於壯齒、  
而無巧宦之譏、全德所高、上意必簡、方將治成坐  
鎮、擢寘近班、習練臺閣之規、光大勲業之舊、某最



惟孤苦夙佩獎知短羽卑飛已甘心於枚粒陰虬  
自躍思遠耀於風雲尚遙堂下之趨益切城中之  
詠

上李仲偃運使啟

伏念某得邑海瀕寄身節下操舟取道持版過庭  
自顧下寮之愚敢扳先子之雅坐蒙高義曲借善  
顏載惟恩私有過分願去離門守來造署居取庇  
自今馳情無遠要之蚤莫唯是曠官之憂庶也始  
終不爲愛已之負歲時回薄氣候沍寒明賢之姿

休福所嚮伏惟順節自壽副人所瞻

上樞密王尚書啟

竊以璿璣上列齊七政以均和帝袞輔成欽四鄰  
之基命親逢華旦允屬宗工恭惟某官與國忠純  
爽邦明哲對越光華之旦居然文雅之宗簡在上  
心鬱爲時棟雍容禁署嘗密贊於睿謀叅貳宰司  
多委成於治體奮庸甚盛注意特隆屬恩誥之誕  
頒分鎮臨之重寄居留神甸爲表則於四方寵進  
樞庭當折衝於萬里聲教所暨慶抃率同俯念空



疎、夙、叨、存、記、綰、縣、章、而、祇、役、望、君、幄、以、勞、懷、恭、聽、  
吉、音、豈、勝、至、願、

賀集賢相公啟

恭、以、禁、座、流、恩、政、堂、遷、秩、寵、兼、常、伯、守、在、冬、官、伏、  
惟、慶、慰、恭、以、某、官、襲、氣、堪、與、稟、精、河、岳、風、華、懋、美、  
嶢、若、東、南、之、筠、天、韻、純、淪、溫、如、西、北、之、璞、不、階、尺、  
木、遂、致、青、雲、世、圖、任、於、老、成、日、對、揚、於、休、命、股、肱、  
作、相、素、同、國、體、之、安、喉、舌、命、官、遂、致、文、明、之、政、茲、  
爲、異、數、允、答、具、瞻、某、克、位、外、藩、希、風、上、國、觀、文、辯、

叙、彌、高、天、老、之、台、通、謁、爲、儀、寢、遠、豆、晏、之、日、懽、愉、  
無、狀、震、慄、兼、常、

賀樞密相公啟

恭、審、遷、秩、上、公、聯、華、冢、宰、伏、惟、慶、慰、竊、以、某、官、畧、  
非、世、出、韻、自、天、成、時、歸、英、特、之、材、獨、稟、高、明、之、器、  
光、華、漫、漫、遂、適、於、泰、辰、文、學、彬、彬、適、階、於、臚、仕、逮、  
濬、明、之、正、統、圖、衛、翼、之、元、勲、周、歷、清、華、之、階、越、登、  
機、密、之、首、通、規、亮、節、朝、矜、式、以、取、平、深、策、遠、猷、上、  
咨、嗟、而、倚、重、懋、惟、徽、數、允、合、膚、公、命、布、幅、負、喜、盈、



觀聽其久從外補、逖聽上臚、曾馳謁之未遑、第承風而竊抃、瞻依之厚度越于常。

賀鳳翔知府陳學士啟

恭審拜命恩綸、頒條侯府、竊惟慶慰、某官器謀強濟、業履粹明、名日起以貴成、勢龍階而獨上、儒林材職之館、方指事以載功、岐陽襟帶之邦、出承流而宣化、國家試能補郡、籲俊熙天、卽頒寬大之書、召還清切之禁、某衰晚無狀、情契所同、顧海上之身、寢爲俗吏、瞻榜中之彥、敢附青雲、未涯贊見之

儀益切瞻言之素、願臻持攝前對寵光。

賀昭文相公啟

恭審肅被寵靈、叅司樞要、伏惟慶慰、竊以安危所繫、文武相須、眷注意之殊時、崇仰成之異體、至若萬務通于四海、二柄萃於一門、簡在休辰、職繇全德、恭以某官風華博照、天韻雄成、挾旦奭之謀、謨襲韋平之系、胄逢辰鼎盛、序爵彌高、清議被民、卓冠一時之傑、豐規振俗、邁躋三代之隆、嗟彼羗豪、警吾邊吏、有嚴天討、爰整王師、上方深拱、以倚平



博謀而取重、昇茲全責、欽若壯猷、與誦所同、巖瞻  
惟允、昔餽通函、谷繫沛邑之宗、臣威被匈奴、實漢  
家之真宰、宜今具美、與古兼徽、某夙附末光、雅煩  
善庇、仕藩城而待罪、隱若目安、佔宿邸之移文、是  
然滋喜、依歸之素有過等夷、

謝及第啟

四方之傑、茂對清光、一介之技、猥塵華選、冒榮之  
辱、撫已而慙、竊以國家攬八寓之廣、具萬官之富、  
一化所染、人有善行、數路之舉、野無滯材、取士如

此之詳、得人於斯、爲盛然猶謙不自足、樂於旁求、  
比詔郡邑、詳延巖穴、向非蔚有聲采、著在觀聽、何  
以躋上勤、佇塞人煩、言如某者、族敝而賤、材頑且  
疎、逢世治文、追師鄉道、負冠方屨、有賤儒之名、高  
文大冊、無作者之實、昊乾不弔、先子夙喪、僑家異  
土、歸掃窮閭、上不能執軒冕、以取高下、不能力稼  
穡、而爲養、俛首干進、蘄榮逮親、適會詔之興、昨遂  
負書而應、令鄉老署其行、薦之明朝、春官訾其材、  
置以異等、率趨法座、輩試殊庭、僅成骫骳之談、復



玷高華之選、夫何抵此、厥有繇然、茲盖伏遇某官  
德厚兼容、風華博照、斟酌元氣、洪纖溥被、其仁彫  
刻、重形妍惡、曲成其彙、乘雲洒潤、秉律噓枯、使是  
寒士、階於榮路、敢不審圖大方、惇率常憲、取所承  
學、著之行事、唯仁之守、唯誼之循、不以邪曲回精  
忠之操、不以寵利污廉潔之尚、庶期盡齒、無負大  
賜、易此而他、未知所裁、



